

Segun abogado Lejuez,

Hopi famia perhudica pa asunto di Haystack Residence

ORANJESTAD (AAN): Ayera tardi despues cu e prome caso riba e asunto di Haystack Residence a termina, a sigui e di dos caso, cu tabata entre Louis van Galen cu ta Director di e compania Wolfgang Thiede Und Partners, cu tin e proyecto Haystack, y famia de J., kende a cumpra un cas for di dje.

Ta asina cu e famia a cumpra un cas den Haystack Residence, unda cu nan a haci un "aanbeting" di 44 mil Florin, y desde aña 2000, nan ta pagando mas di 1500 Florin te cu february 2005, sin faya un dia.

Aña pasa September nan a dicidi di paga e resto di placa full di un solo biaha, sinembargo Notaris no por a traspasa e cas pa nan, pasobra Notaris a indica cu nan no por haya e Director autoriza di e compania, cu supuestamente lo mester ta Louis van Galen. Abogado Helen Lejuez a splica cu ora cu el a bay informa na Curaçao unda cu e compania ta inscribi, esaki no tabata inscribi mas, pero na Aruba nan tin un compania cu mesun nomber inscribi na Aruba, pero e compania di Aruba no ta esun di Curaçao, pasobra nan tin dos diferente "Maatschappelijke Kapitaal", y segun Lejuez esaki no por.

Despues cu Notaris a indica cu e cas no por worde traspasa, e famia a existi ontbinding, y a pone beslag riba e compania.

Van Galen a acerca e famia pa haci un areglo, unda cu el a

exigi placa di e famia, siendo cu e famia ta di opinion cu nan tin cu haya placa back.

Direpente van Galen a cuminsa un Kortgeding pa "ontuiming", y pa kita e beslag.

Segun Lejuez van Galen ta traha contractnan, unda cu e ta pone yen di clausula masha straño den nan.

Tambe e ta duna su clientenan tur clase di boet ora cu supuestamente den su pensamiento of segun su reglanan straño, nan lo no a cumpli di un of otro manera. Tin biaha mainta van Galen tabata drenta casnan di su clientenan pasobra e tin e yabinan, e ta bin cu exigencianan straño manera e echo cu bo yunan no mag di hunga pafo, y bo cacho of pushi tampoco.

Tambe tin un "hefboom" poni na entrada di e propiedad, unda cu e habitantenan tabata forza pa cumpra un carchi pa nan por subi e tereno pa drenta nan propio cas, unda cu si nan bin

cu hendenan sin avise, of drenta un cierto manera, nan carchi tabata worde blokea.

Van Galen ta na Aruba desde 1992, sinembargo Lejuez a muestra huez cu ta hopi straño cu desde e tempo ey te awor, ningun persona a bira propietario di un di e casnan na Haystack Residence, pues ta muestra manera tur esnan cu cuminsa cu e inversion aki, pa un of otro motibo ta bandona e proyecto, of ta worde forza pa bandona esaki.

Abogado Lejuez a splica tambe cu den e caso aki tin mas cosnan straño ta pasando, manera e echo cu e caminda cu ta core na e residence, no a worde traspasa pa Gobierno, mientras cu pa ley esaki mester worde haci, pa cu e vergunning.

Segun Lejuez el a papia cu Director di DOW caba, cu a priminti di atende cu e asunto aki, como tambe e asunto di hefboom, cu tampoco no ta conforme ley.

E abogado a pidi pa tur hende

tene cuidao cu e persona aki, pa motibo cu el a perhudica hopi hende caba.

Tambe Lejuez a bisa cu el a tende cu van Galen posiblemente tin un "Tax

Holiday", unda cu e abogado ta puntra su mes ki dia esaki ta caba na Aruba.

Huez lo duna sentencia riba e caso aki dia 27 di April.

Tripulante Colombiano cu a baha na Aruba sin permiso pa keda, a entrega su mes



ORANJESTAD (AAN) — Despues cu den DIARIO di diarazon 6 di April 2005 a aparece e noticia cu un tripulante Colombiano a yega Aruba pa casa cu un choller y pa e motibo aki e barco Sam-

urai no por bandona e isla di Aruba, sin cu e señora Claudia Maria Viafara naci na Buena Ventura Colombia dia 21 di November 1973 y biba na Maicao aparece.

Awe cu grato placer nos por notifica cu e señora mes a tuma e iniciativa di entrega su mes na autoridad. Ya den oranan trempan di diahuebs, un otro señora a yama Polis, bisando cu e señora kier a entrega su mes, pero tin hopi medio y ta desconfia di tur hende.

Asina a keda negocia cu e señora te ora cu e mes a dicidi pa entrega su mes. Awor e barco Samurai por sigui su ruta y e señora lo worde deporta di Aruba cu avion.

RED ALERT!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Hose Reel

Afl: 85,=